



REPUBLIKA E SHQIPËRISË  
KOMISIONERI PËR MBIKËQYRJEN E SHËRBIMIT CIVIL  
DREJTORIA E PËRGJITHSHME E INSPEKTIMIT DHE MBIKËQYRJES

Nr. 793/4 Prot.

Tiranë, më 10.12.2024

**V E N D I M**

Nr. 77, datë 10.12.2024

**“Mbi përfundimin e procesit të vlerësimit të ligjshmërisë, të procedurës administrative për ngritje në detyrë, të publikuar nga Departamenti i Administratës Publike në shpalljen me kod #4698 - pozicioni “Përgjegjës i Sektorit të Programimit të Cilësisë dhe Pastërtisë së Mjedisit”, në Ministrinë e Turizmit dhe Mjedisit”**

Në mbështetje të kompetencave ligjore të parashikuara në pikën 1, të nenit 11, nenet 14 dhe 15, të ligjit nr. 152/2013 “Për nëpunësin civil”, i ndryshuar, të ligjit nr. 44/2015 “Kodi i Procedurave Administrative të Republikës së Shqipërisë”, si dhe Rregullores “Mbi procedurat e mbikëqyrjes/inspektimit”, miratuar me vendimin nr. 17, datë 11.03.2015, i ndryshuar, të Komisionerit për Mbikëqyrjen e Shërbimit Civil, e ndryshuar, pas shqyrtimit të relacionit të Drejtorisë së Përgjithshme të Inspektimit dhe Mbikëqyrjes, në përfundim të verifikimit të informacionit të regjistruar me nr. 793 prot., datë 23.10.2024,

**VËREJ SE:**

Pranë Komisionerit për Mbikëqyrjen e Shërbimit Civil, është regjistruar informacioni me nr. 793 prot., datë 23.10.2024, i paraqitur nga konkurrenti \*\*\*\*\*, i cili kërkon vlerësimin e procedurës së konkurrimit për ngritje në detyrë, të shpallur nga Departamenti i Administratës Publike me kod #4698 - pozicioni “Përgjegjës i Sektorit të Programimit të Cilësisë dhe Pastërtisë së Mjedisit”, në Ministrinë e Turizmit dhe Mjedisit, si dhe emërimin e tij si kandidat zëvendësues, për shkak të krijimit të vakancës pas emërimit të kandidatit fitues në një tjetër pozicion pune.

Konkretisht, në përmbajtjen e informacionit të mësipërm parashtrohet se, konkurrenti \*\*\*\*\*, ka shprehur interes dhe ka marrë pjesë në procedurën e konkurrimit për ngritje në detyrë, shpallur me kod #4698 - pozicioni “Përgjegjës i Sektorit të Programimit të Cilësisë dhe Pastërtisë së Mjedisit”, në Ministrinë e Turizmit dhe Mjedisit.

*të Cilësisë dhe Pastërtisë së Mjedisit*”, në Ministrinë e Turizmit dhe Mjedisit, shpallur nga Departamenti i Administratës Publike.

Në përfundim të procedurës së konkurrimit dhe shpalljes së rezultatit përfundimtar, pozicioni *“Përgjegjës i Sektorit të Programimit të Cilësisë dhe Pastërtisë së Mjedisit”*, në Ministrinë e Turizmit dhe Mjedisit, është përzgjedhur si fitues kandidati që është renditur i pari, \*\*\*\*\* me 82.8 pikë (akt emërimi nr. 4823 prot., datë 25.09.2023), ndërsa kandidati \*\*\*\*\* është renditur pas tij me 74.4 pikë.

Pas emërimit në këtë detyrë, kandidati \*\*\*\*\* ka konkurruar dhe ka dalë fitues në procedurën e konkurrimit për pozicionin *“Drejtor i Agjencisë Rajonale të Mjedisit Tiranë/Durrës/Dibër”*, pozicion të cilin e ka pranuar, duke lënë përsëri vakant pozicionin *“Përgjegjës i Sektorit të Programimit të Cilësisë dhe Pastërtisë së Mjedisit”*, në Ministrinë e Turizmit dhe Mjedisit.

Në lidhje me sa më sipër, me shkresën e regjistruar pranë DAP me nr. 2120 prot., datë 22.4.2024, kandidati \*\*\*\*\* ka kërkuar të emërohet në pozicionin e punës *“Përgjegjës i Sektorit të Programimit të Cilësisë dhe Pastërtisë së Mjedisit”*, si kandidat zëvendësues, për shkak të krijimit të vakancës, kërkesë e cila nuk është pranuar nga DAP.

Me marrjen e këtij informacioni, Komisioneri për Mbikëqyrjen e Shërbimit Civil ka filluar procesin e verifikimit dhe për këtë, nëpërmjet shkresës me nr. 793/1 prot., datë 4.11.2024 *“Kërkesë për dokumentacion në lidhje me verifikimin e procedurës së konkurrimit #4698 – “Përgjegjës i Sektorit të Programimit të Cilësisë dhe Pastërtisë së Mjedisit”, në Ministrinë e Turizmit dhe Mjedisit”*, kërkoi nga njësia përgjegjëse, Departamenti i Administratës Publike, sqarimet e rastit si dhe praktikën shkresore që materializon veprimet e kryera nga ana e këtij të fundit.

Në përgjigje të kësaj kërkesë, Departamenti i Administratës Publike, me shkresën nr. 793/3 prot., datë 11.11.2024 *“Mbi kërkesën për dokumentacion në lidhje me verifikimin e procedurës së konkurrimit me kod #4698 – “Përgjegjës i Sektorit të Programimit të Cilësisë dhe Pastërtisë së Mjedisit”, në Ministrinë e Turizmit dhe Mjedisit”*, ka sqaruar hollësisht për procedurën e ndjekur dhe vlerësimet e kryera gjatë procesit të konkurrimit për fazën e ngritjes në detyrë, për këtë pozicion pune, duke bashkëlidhur edhe dokumentacionin e nevojshëm, nga përmbajtja e të cilit ka rezultuar se:

Në bazë të planit vjetor të pranimit, si dhe të VKM-së nr. 381, datë 29.6.2023 *“Për hapjen e procedurës së pranimit në kategorinë e ulët dhe të mesme drejtuese edhe për kandidatë të tjerë jashtë shërbimit civil për vitin 2023”*, DAP ka shpallur procedurën me kod #4698, për plotësimin e pozicionit të punës *“Përgjegjës i Sektorit të Programimit të Cilësisë dhe Pastërtisë së Mjedisit”*, në Ministrinë e Turizmit dhe Mjedisit.

Në përfundim të procedurës së konkurrimit për ngritje në detyrë, për plotësimin e pozicionit të punës “Përgjegjës i Sektorit të Programimit të Cilësisë dhe Pastërtisë së Mjedisit”, pas përfundimit të afatit të ankimit, KPND ka përzgjedhur si fitues kandidatin që është renditur i pari, \*\*\*\*\* me 82.8 pikë, duke nxjerrë aktin e emërimit nr. 4823 prot., datë 25.9.2023, ndërsa kandidati \*\*\*\*\* është renditur pas tij, me 74.4 pikë.

Pas emërimit në këtë detyrë, \*\*\*\*\* ka konkurruar me procedurën e lëvizjes paralele duke rezultuar fitues për pozicionin “Drejtor i Agjencisë Rajonale të Mjedisit Tiranë/Durrës/Dibër”.

Për shkak të krijimit të vakancës pas emërimit të punonjësit \*\*\*\*\* në pozicionin e evidentuar më sipër, me shkresën e regjistruar pranë DAP me nr. 2120 prot., datë 22.4.2024, kandidati \*\*\*\*\* ka kërkuar të emërohet në pozicionin e punës “Përgjegjës i Sektorit të Programimit të Cilësisë dhe Pastërtisë së Mjedisit”, si kandidat zëvendësues, kërkesë e cila nuk është pranuar me të drejtë nga DAP.

Sqarojmë se, emërimi në pozicione të kategorisë së ulët dhe të mesme drejtuese bëhet vetëm nëpërmjet procedurave të konkurrimit të përcaktuara në nenin 26, të ligjit nr.152/2013 “Për nëpunësin civil”, i ndryshuar dhe të VKM nr. 242, datë 18.3.2015 “Për plotësimin e vendeve të lira në kategorinë e ulët dhe të mesme drejtuese”, i ndryshuar. Në fund të çdo procedure konkurrimi për lëvizje paralele/ngritje në detyrë/pranim nga jashtë shpallet fitues kandidati që është renditur i pari, me të paktën 70% të pikëve. Më tej, në zbatim të pikës 36, të këtij akti nënligjor, njësia përgjegjëse, nxjerr aktin e emërimit të kandidatit fitues në pozicionin vakant. Me nxjerrjen e këtij akti, përmbillet e gjithë procedura e konkurrimit për plotësimin e pozicionit të kategorisë së nivelit të ulët dhe të mesëm drejtues. Pra, në secilën procedurë konkurrimi të shpallur për plotësimin e pozicioneve të shërbimit civil, që i përkasin kategorisë së nivelit të ulët dhe të mesëm drejtues, ka vetëm një kandidat fitues dhe nuk parashikohet listë fituese.

Referuar dispozitave të legjislacionit të shërbimit civil, kjo listë është e parashikuar vetëm në procedurat e konkurrimit për pranim në shërbimin civil në kategorinë ekzekutive ku, sipas përcaktimit të nenin 23, të ligjit nr.152/2013 “Për nëpunësin civil”, i ndryshuar, kandidatët fitues në procedurat e pranimit në shërbimin civil, kanë të drejtë të zgjedhin të emërohen në çdo pozicion të lirë të të njëjtit grup, që krijohet i lirë gjatë kohës së vlefshmërisë së listës (2 vjet).

Për sa më sipër, Komisioneri vlerëson se, mbështetur në dispozitat ligjore të sipërcituara, njësia përgjegjëse DAP, ka zbatuar drejt të gjithë procedurën e kërkuar në fazat e konkurrimit, duke respektuar kërkesat e legjislacionit të shërbimit civil, që rregullojnë këtë institut të ligjit.

### **Për këtë arsye:**

Në mbështetje të kompetencës së përcaktuar në nenin 11, pika 1, nenet 14 dhe 15, të Ligjit nr. 152/2013 “Për nëpunësin civil”, i ndryshuar; të Ligjit nr. 44/2015 “Kodi i Procedurave Administrative i Republikës së Shqipërisë”, i ndryshuar; si dhe në mbështetje të nenit 16, pika 6, e Rregullores “Mbi procedurat e mbikëqyrjes/inspektimit”, miratuar me Vendimin nr. 17, datë 11.03.2015, të Komisionerit për Mbikëqyrjen e Shërbimit Civil,

### **VENDOSA:**

1. Përfundimin e hetimit administrativ, filluar në bazë të informacionit nr. 793 prot., datë 23.10.2024, të paraqitur nga konkurenti \*\*\*\*\*\*, me objekt vlerësimin e ligjshmërisë së veprimeve administrative të kryera nga Departamenti i Administratës Publike, në procedurën e konkurrimit për ngritje në detyrë me kod **4698** - pozicioni “Përgjegjës i Sektorit të Programimit të Cilësisë dhe Pastërtisë së Mjedisit”, në Ministrinë e Turizmit dhe Mjedisit dhe, meqënëse në veprimet e njësisë përgjegjëse nuk konstatohen elementë që vijnë në kundërshtim me legjislacionin e shërbimit civil, arkivimin e çështjes.
2. Të njoftohet për këtë vendim Departamenti i Administratës Publike dhe konkurenti \*\*\*\*\*\*.

Ky vendim hyn në fuqi menjëherë.

**KOMISIONERI**

**Pranvera Strakosha**